

Ёпик танлашни ўтказиш тартиби

Танлашни ўтказиш тартиби ва баҳолаш мезонлари барча учун бир хил ҳисобланади ҳамда давлат харидларининг асосий принципларига зид бўлмаслиги лозим.

Танлашни ўтказиш учун талабгорлар харид қилиш ҳужжатларида кўрсатилган ҳужжатларни тақдим этиши лозим.

Талабгорнинг тақдим қилган ҳужжатларининг талабга мос эканлигини харид комиссиясининг ишчи гуруҳи томонидан ўрганилади.

Қуйидаги иштирокчиларга танлашда иштирок этишга йўл қўйилмайди, таклифлари кўриб чиқилмайди ва баҳоланмайди:

- Танлаш учун зарур ҳужжатлар тўпламини ўз вақтида топширмаган иштирокчилар;
- ўзига нисбатан банкротлик тартиб-таомиллари жорий этилган;
- буюртмачига нисбатан суд ёки арбитраж муносабатлари мавжуд бўлган иштирокчилар;
- инсофсиз ижрочиларнинг ягона реестрида қайд этилган иштирокчилар;
- солиқлар ва йиғимларни тўлаш бўйича муддати ўтган қарздорлиги мавжуд бўлган;
- манфаатлар тўқнашуви ва аффилиланганлик ҳолатлари мавжуд бўлган иштирокчилар;
- Ўздавзахира билан аввал тузилган шартномалар бўйича ўз зиммасига олган мажбуриятларни лозим даражада бажармаган иштирокчилар (агар имзоланган бўлса).

Танлаш натижалари харид комиссиясининг баённомаси билан расмийлаштирилади.

Танлаш таклифларини баҳолаш ва Танлаш ғолибини аниқлаш Танлаш ҳужжатларида белгиланган усулда кетма-кетлик, тартиб, мезонлар асосида амалга оширилади.

Танлаш ғолиби аниқлангандан сўнг Ғолиб ҳамда захира ғолиби таклиф этилган Ўтказиб бериладиган товарлар сифат кўрсаткичларининг норматив ҳужжатларга мувофиқлиги юзасидан лаборатория таҳлиллари ўтказилади ҳамда намуналари тўлиқ ГОСТ 34120:2017 ва Гўшт ва гўшт маҳсулотлари хавфсизлиги бўйича умумий техник регламент (22.01.2018 йилдаги 36-сон ВМҚ) талабларига мувофиқ деб топилган намуналарни тақдим этган иштирокчи билан шартнома расмийлаштирилади.

ОГОҲЛАНТИРИШ – Мол гўшtidан ташқари (Буйвол ёки бошқа) хайвонлар гўшини ўтказиб бериш ҚАТИЯН ТАҚИҚЛАНАДИ. Ўтказиб бериладиган товарлар сифати мувофиқлиги ваколатли органларда тўлиқ экспертизадан ўтказилади - ГОСТ 34120-2017, “Гўшт ва гўшт маҳсулотлари хавфсизлиги тўғриси”да умумий техник регламент (22.01.2018 йилдаги 36-сонли ВМҚ).

Ўтказиб бериладиган товарлар сифат кўрсаткичларининг норматив ҳужжатларга мувофиқлиги юзасидан лаборатория таҳлиллари ўтказилади.

Танлаш таклифи қонун ҳужжатлари ва Танлаш ҳужжатлари талабларига мувофиқ бўлса, тегишли тартибда расмийлаштирилган деб ҳисобланади. Харид комиссияси ишчи гуруҳи иштирокчининг Танлаш таклифини тегишли равишда ёки лозим даражада расмийлаштирилмаган деб топиши тўғрисидаги қарори бундай

қарорнинг сабабларини асослаган ҳолда харид комиссияси томонидан тасдиқланиши керак.

Иштирокчининг Танлаш таклифининг талабларга мос келмаслиги тўғрисидаги қарор, унинг сабаблари кўрсатилган ҳолда, қарор қабул қилинган кунда иштирокчига ёзма равишда юборилади.

Харид комиссияси Танлаш иштирокчиларидан уларнинг таклифлари юзасидан тушунтиришлар талаб қилиши мумкин. Ушбу процедура электрон шаклда амалга оширилади. Тушунтириш жараёнида таклифнинг моҳиятини, шунингдек, нархини ўзгартиришга йўл қўйилмайди.

Танлаш иштирокчиларининг таклифларини кўриб чиқиш ва баҳолаш муддати Танлаш таклифлари берилган кундан бошлаб 45 (қирқ беш) иш кунидан ошмаслиги керак.

Танлашда иштирок этиш учун таклиф давлат тилида ва заруратга қараб бошқа тилларда тузилади.

Танлаш ўтказишда иштирокчилар ўз Танлаш таклифларини конвертлар кўринишида Буюртмачига ёпиқ Танлаш тўғрисидаги таклифномада кўрсатилган муддатдан кечиктирмай тақдим этадилар.

Тижорат таклифлари комиссия йиғилишида танловда иштирок этган корхоналарнинг вакиллари иштирокида кўриб чиқилади.

Танлаш таклифи билан биргаликда иштирокчилар эскизлар, расмлар, чизмалар, фотосуратлар ва бошқа ҳужжатларни тақдим этишлари мумкин.

Танлаш таклифларини очишнинг охириги муддати тугагунга қадар уларни Танлаш иштирокчилари, шу жумладан ишчи орган ва харид комиссияси аъзолари кўришига йўл қўйилмайди, ушбу таклифларни тақдим этган иштирокчи бундан мустасно. Буюртмачи ушбу талабга риоя қилиш учун жавобгардир.

Ёпиқ Танлаш иштирокчиси:

- битта лот бўйича фақат битта Танлаш таклифини тақдим этиш ҳуқуқига эга;
- тақдим этилган маълумотлар ва ҳужжатларнинг ҳақиқийлиги ва ишончлилиги учун жавобгардир;

- таклифларни тақдим этишнинг охириги муддати тугагунга қадар тақдим этилган Танлаш таклифини қайтариб олиш ёки унга ўзгартиришлар киритиш ҳуқуқига ега.

Танлаш таклифларини қабул қилиш таклифномада кўрсатилган муддат ва вақт бошланиши билан тугатилади.

Танлаш ҳужжатларида белгиланган шартлардан келиб чиққан ҳолда харид комиссияси ғолибни аниқлайди:

Захира ғолибини аниқлаш ушбу бандда белгиланган тартибда амалга оширилади.

Танлаш қуйидаги ҳолларда ўтказилмаган деб топилади:

- Танлашда битта иштирокчи иштирок этган ёки ҳеч ким иштирок этмаган бўлса;
- агар харид комиссияси барча таклифларни рад этган бўлса ёки фақат битта таклиф Танлаш бўйича харид қилиш ҳужжатлари талабларига мувофиқ келса.

Танлаш таклифларини кўриб чиқиш натижалари бўйича ишчи гуруҳ харид комиссиясининг мажлисларининг баённомаларини шакллантиради ва уларни харид комиссияси аъзоларига тасдиқлаш учун юборади.

Танлашнинг исталган иштирокчиси таклифларни кўриб чиқиш ва баҳолаш баённомаси эълон қилинганидан кейин давлат буюртмачисига Танлаш натижалари бўйича тушунтиришларни тақдим этиш тўғрисида сўров юборишга ҳақли. Давлат буюртмачиси бундай сўров келиб тушган санадан эътиборан уч иш куни ичида Танлаш иштирокчисига чат, хат, факс ёки электрон почта орқали тегишли тушунтиришларни тақдим этади.

1. Баҳолаш мезонлари

№	Мезон	Изоҳ
1.	Закалат маблағларини тўлиқ миқдорда ўтказиб берганлиги тўғрисидаги тўлов топширқнома нусхаси ёки Қўмита ҳисоб рақамидан кўчирма (Маҳаллий ва хорижий иштирокчилар)	Мавжуд бўлмаса иштирокчи танлаш савдоларидан четлаштирилади ва таклифлари кўриб чиқилмайди ва баҳоланмайди.
2.	Ташкилотнинг Давлат рўйхатидан ўтганлиги тўғрисидаги гувоҳнома (Маҳаллий ва хорижий иштирокчилар)	
3.	Солиқлар ва йиғимларни тўлаш бўйича муддати ўтган қарздорликнинг мавжуд эмаслиги тўғрисида ДСИнинг маълумотномаси (Маҳаллий иштирокчилар)	
4.	Ўзига нисбатан жорий этилган банкротлик тартиб-таомилларининг мавжуд эмаслиги тўғрисида маълумот (Маҳаллий ва хорижий иштирокчилар)	
5.	Корхонанинг охириги йиллик баланси (Маҳаллий иштирокчилар)	
6.	Хизмат кўрсатувчи банкдан ташкилотнинг молиявий ҳолати тўғрисида маълумот (Хорижий иштирокчилар)	
7.	Танлаш бўйича тижорат таклифи (таклиф этилган маҳсулот номи, ҳажми, нархи ва етказиб бериш муддатлари кўрсатилган бўлиши керак), (Маҳаллий ва хорижий иштирокчилар).	

2. Таклифларни нарх жиҳатдан баҳолаш

№	Мезон	Баҳолаш	Изоҳ
1.	Энг паст нарх	Энг паст нарх энг юқори баҳоланади. Энг юқори нарх энг паст баҳоланади.	Таклифларни баҳолаш комиссия томонидан амалга оширилади.

Хорижий етказиб берувчиларнинг нарх таклифларини баҳолашда Ўзбекистон Республикаси ҳудудида юзага келадиган барча харажатлар (божхона харажатлари, маҳсулотларни сертификатлаштириш харажатлари, ҚҚС ва бошқалар) таклиф қилинган нархига қўшилади.